

# **Obraćanje Visokoga predstavnika, Christiana Schwarz-Schillinga, povodom dodjele nagrada nakon održavanja međunarodnog skijaškog natjecanja na Igmanu “Turizam i šumarstvo mogu donijeti nova radna mjesta”**

**Sponzorirala njemačka pokrajina Hesen**

Dame i gospodo,

Izuzetno mi je zadovoljstvo što sudjelujem u ovom događaju, koji je povezao moju domovinu u Njemačkoj, pokrajinu Hessen, i Bosnu i Hercegovinu.

Turnir u nordijskom skijanju koji je upravo završen predstavlja izvrsnu reklamu za alpski turizam, jedan od najperspektivnijih ekonomskih sektora Bosne i Hercegovine, koji je, ipak, još uvijek nedovoljno razvijen.

Pokrajina Hessen surađuje s partnerima u BiH na projektima gazdovanja šumama, a sektor šumarstva, kao što vam je svima poznato, predstavlja još jedan potencijalno veoma značajan čimbenik poslijeratnog ekonomskog i socijalnog oporavka Bosne i Hercegovine. Ovaj sektor ima golem ekonomski potencijal, ali

njime se ne upravlja na odgovarajući način; koliko znam trenutačno se poduzimaju veoma intenzivne aktivnosti na rješavanju ovih problema, među ostalim poduzimaju se mjere na osnovu revizorskih izvješća.

Dakle, ovaj prvenstveno *sportski* događaj ipak se dotiče dva ključna ekonomска potencijala Bosne i Hercegovine – turizma i šumarstva.

Mislim da sve vas koji ste ovaj tjedan sudjelovali u turniru ili doputovali ovdje kao promatrači ne treba uvjeravati kako međunarodne turiste u Bosni i Hercegovini očekuje jedno doista *posebno* iskustvo.

Ovo je zemlja u kojoj gostoljubivost još uvijek predstavlja način života i još nije pretvorena u privrednu granu. Naravno, mi *želimo* to pretvoriti u značajnu privrednu granu, jer vjerujemo da se turizam može razviti u jedan od strateških nositelja ekonomskog razvijatka, kao što je to bio slučaj u drugim zemljama poput Španjolske, Grčke i Turske, ali također želimo biti potpuno sigurni da sve osobenosti BiH, jedinstvene topografske, kulturne i kulinarske tradicije, ne budu izgubljene u razvoju masovnog turizma.

Zajedno s bosanskohercegovačkim organima vlasti već smo aktivno angažirani u nastojanjima na osvremenjivanju koordinacije i upravljanja u oblasti turizma te promoviranju BiH kao međunarodne turističke destinacije.

Planinski centar Bjelašnica-Igman odličan je primjer što se može postići odgovarajućim upravljanjem i razvitkom postojećih potencijala. Naša je procjena da bi samo ovaj centar, kada bude u potpunosti razvijen, mogao donijeti i do 5000 novih radnih mesta u sarajevskoj regiji. Ako se to može ostvariti na Bjelašnici, može se ostvariti i u drugim mjestima širom BiH.

Dopustite mi da još jednom poželim srdačnu dobrodošlicu gostima iz Hessena i iskažem našu zahvalnost pokrajini Hessen

na suradnji koja je ostvarena u razvoju dva ključna ekonomskih sektora u BiH. Ova suradnja je zasnovana na čvrstim komercijalnim načelima, ali istodobno odražava iskreno prijateljstvo koje postoji između građana BiH i građana Njemačke.

A sada, izuzetno mi je zadovoljstvo izabrati pobjednike, koji će dobiti karte za ovogodišnje Svjetsko nogometno prvenstvo u Njemačkoj, koje je donirala savezna pokrajina Hesen!

Hvala.